

中国边疆研究资料文库·边疆史地文献初编

北部邊疆

第二輯

中国边疆研究资料文库·边疆史地文献初编

北部边疆

第二輯

籌蒙芻議

籌蒙刍議

春秋以降王霸分儒者高語純王大都遠絕事情而莫由振拔逮西哲出一破中國王霸之藩人類之禍益棘夫古之滅國以兵革今之滅國以農商文野固懸絕矣獨其私己族以亡人族終且激他族以自亡故嘗以謂中國純王之道實合內外而絕其私而究其所行雖孔孟不能無霸術以持其變惟其義主保民而無內外故其術始之一國極之天下民且自生自殖以共樂其天漢宋諸儒斥功利以弱吾民實非孔權孟術之義有王者作必將始於保民而先於無我環球之大庶幾一息以卽於安嗚呼此人類

生滅之大關也我

朝之御蒙古衆建以分其力崇釋以制其生一絕匈奴回
紇之禍其術可謂神矣顧乃不思同化之方變居國以嚴
藩翰遂至強隣交迫肩臂孤寒求若漢唐之衰北騎一兵
而不可得居平深憂太息謬思泱泱萬里必能資固有之
物力膏新造之人民乃周覽遺篇輒謂沙磧苦寒無能廣
生殖以成新城私竊痛之庚子以還日俄戰棘高遠之士
又或高談建省絕無根本步驟之方行者乃或莽裂乖離
以怒其族嗟呼孤舟絕海寇仇皆骨肉也今旣區漢族復

怒蒙民彼行幕者尙何國之不可奴哉此可爲痛哭者已
戊申夏客都門始聞左丞姚公再游朔漠著籌蒙芻議而
未以示人求而讀之三日夕三復則狂喜作而歎曰咄哉
姚公其建國之才乎自古英雄特患無土無民耳夫括已
成之利創無本之謀皆不可言治法嘗慨箕治平壤孔慕
九夷其志皆痛故國之不可爲銳思一闢新天地以範模
天下其法皆必利其利殖吾民以民其民則兩利並育而
民益滋而傷傳記之莫由證索獨管氏相齊毅然官山海
籠鹽鐵以植富強制國幣輕重之權運軌里連鄉之法工

商秩秩雄服諸侯武侯之治蜀也正軌道肅傳郵兵墾渭
濱魏民無擾其策乃類殖民故能攘外尊王以成霸業而
其精微奧曲皆不獲詳馴致英俊之才沉埋故紙千百萬
華僑之衆奴役他人盜蹠黥吾臥榻嗚呼豈非天哉公之
籌蒙也制烏珠穆沁之鹽經始內蒙以爲根本附建銀行
通國幣闢道路利農商吸巨農巨商之力資勞力以闢新
原合蒙財以求礦業廓然畫兵區新內治以鄉官治賦稅
兵警就地利建學校闢工場使州縣統蒙漢而督其成以
賦稅屬銀行一絕官蒙之貪虐其精微所萃尤在聽蒙賃

荒官無弋獲漢蒙交易國乃升科而其妙用微權則在鑒
蒙人之私上下無失其富貴使漢蒙相樂油然並治於智
強堅定之術而不自知至哉言乎千古殖民之道盡此矣
夫人者萬物之母固天所使以生萬物而卽以生其生而
其用莫大乎土是故有一地之士必能養一地之人有一
地之人必能生一地之財得豪傑以製其權皆可本山川
形勢以製國域所慮血食者濁穀食者清清濁失常匪愚
則弱剛柔之過勢輒相殺而不相存調血穀以劑其平各
贍其欲以飫其求乃可相智相強相助而不相害世有孤

存一族而可長保者哉惜乎東西人之未及此耳且夫競爭之世非戰伐莫可保民國卽無能自保固皎然已顧其爲用也無一不始於財不財不兵而曰保民雖孔孟不治而其事則無一不始於農農焉而後若工若商財乃環起迭生吾民乃可漸推漸積國勢且將磅礴宇宙而莫測所終然而其道必自政教始政教之術必將與時地爲變通雖聖人不能執一法以治天下此固大同未至之所爲也然而其義且將亘萬古窮地球而不變故其始也必先握天產之大操一國食貨之權然後可以運吾民而保吾國

天下養人之物靡不賴人以生獨鹽之爲物天地輒自生之若嬰乳焉其用實足操萬利之原取諸天成以製一國之大權而於人無虐海濱之斥鹵至無用者也而鹽出焉龍江之呼倫貝爾蒲甯蘭肅敦煌青海衛藏之鹽池蜀中之火井地皆懸隔山海天輒自生自長以强其地之民今蒙古之鹽且豐美若是矣精而博之塔藏之金于闐之玉吉林之奇木環海之巨魚皆天各產其地以畀吾自保特非建國之才不能各製其域以奠其疆卽無能相助相援勢且俱歸淪滅得其才而假之權蓋無一地不克立郡縣

慎封守以雄天下也決矣况乃江河流域之大擅環球孕育之奇至乃旦夕憂貧無能相保以求樂利尙何言哉尙何言哉痛乎患莫大乎無實而張其名勢且速亡而不可救齊之寄軍內政蜀之北出而魏始震驚皆此義也公籌蒙之術就東四盟推測句稽已成未取之財決以至微數且逾三百萬故先謀內二省一鎮赤峰以遏東道之衝一鎮色爾貝山南以扼張庫北來之道而皆以保漠南衛京師推而行之經始土謝圖膏原用花馬池鹽建外三省以制北徼內專民墾而錯以兵屯外樹兵屯而暈之民墾協

蒙財闢內外二鐵道以達伊犁使窮邊萬里皆有猛虎在
山之勢而其至精之識尤在徵節候察雨暘辨井渠明土
物以挾其幽微故能徵外蒙屯利而堅其必效蓋其深思
遐覽擷東西拓土致人之術以圖吾存靡不決之實驗齊
蜀而降寄軍內政之精未有過於此者則何王霸之有至
不得已乃請設全甯副都統分內政於鹽墾之中以一標
卒振其民而使之不覺雖闢荒先後皆以精思交錯其間
然其範愈微其心則愈苦矣築室至今乃竟寂焉萬國公
法荒土不闢則失其權邊患方殷瞻烏誰屋嗟夫繞朝之

贈秦豈無人固不僅爲作者涕洟以道者已光緒三十四
年秋七月桐城陳澹然劍潭序於陸軍編譯局

籌蒙芻議目錄

丹徒姚錫光

卷上

查覆東部內蒙古情形說帖

光緒三十一年乙巳八月
上練兵處王大臣

續呈實邊條議以固北圉說帖

光緒三十一年乙巳
八月上練兵處王大

臣

實邊條議

同上

卷下

呈覆經畫東四盟蒙古條議

光緒三十二年丙午六
月上練兵處王大臣

私售大段重要蒙地情形說帖

光緒三十二年丙午
六月上練兵處王大臣

臣

蒙古教育條議

光緒三十二年丙午八月覆學部

上練兵處王大臣牋

光緒三十二年丙午三月

再上練兵處王大臣牋

光緒三十二年丙午四月

再上練兵處王大臣牋

光緒三十二年丙午四月

附牋

同上

再上練兵處王大臣牋

光緒三十二年丙午閏四月

再上練兵處王大臣牋

光緒三十二年丙午閏四月

擬設全甯副都統說帖

光緒三十二年丙午七月上
練兵處王大臣

下

上

中

三



目錄

一

二